

Sarajevo, 10 -05- 2018

Broj:

0203-24765

Na osnovu člana 70. Zakona o javnim nabavkama („Službeni glasnik BiH“, broj 39/14), člana 48. Statuta KCUS-a (Sl.novine FBiH br. 73/13), člana 21. Pravilnika o javnim nabavkama Kliničkog centra Univerziteta u Sarajevu (br.0202-14544/17) na prijedlog Komisije za javnu nabavku Izvještaj br. 0305-23730 od 04.05.2018. godine, Generalna direktorica donosi:

ODLUKU

o poništenju postupka nabavke
za nabavku i isporuku digitalnog mamografa
za potrebe Klinike za radiologiju

I

Prihvata se prijedlog Komisije za javnu nabavku, Izvještaj br. 0305-23730 od 04.05.2018. godine za nabavku i isporuku digitalnog mamografa za potrebe Klinike za radiologiju nakon provedenog otvorenog postupka sa međunarodnom objavljenom na Portalu agencije za JN pod brojem: 893-1-1-161-3-54/18 dana 05.03.2018.godine i sažetkom objavljenim u Sl.Glasnik BiH, da se postupak nabavke **poništi u skladu sa tačkom 69./2./d) ZJN (Sl.Glasnik BiH 39/14), jer nijedna od primljenih ponuda nije prihvatljiva.**

II

Ova Odluka stupa na snagu danom donošenja i objaviće se na web stranici KCUS-a putem web stranice Kantona Sarajevo istovremeno sa dostavljanjem ponuđačima učesnicima postupka javne nabavke.

OBRAZLOŽENJE

Na osnovu Odluke o pokretanju postupka javne nabavke br.0203-10882 od 26.02.2018. godine sa procijenjenom vrijednosti nabavke u iznosu od 500.000,00 KM bez PDV-a, Klinički centar Univerziteta u Sarajevu je 05.03.2018. godine objavio Obavještenje o nabavci broj: 893-1-1-161-3-54/18 na portalu e-Nabavke zajedno sa Tenderskom dokumentacijom za nabavku i isporuku digitalnog mamografa za potrebe Klinike za radiologiju putem otvorenog postupka sa međunarodnom objavom.

Tendersku dokumentaciju preuzelo je 9 (devet) ponuđača, a do krajnjeg roka određenog za prijem ponuda, 20.04.2018 godine, dostavljene su 2 (dvije) ponude i to ponude ponuđača SHIMADZU d.o.o. Sarajevo po cijeni od 440.000,00 KM bez PDV-a i SARAJEVO-FARM d.o.o. Sarajevo po cijeni od 423.000,00 KM bez PDV-a.

Komisija imenovana Odlukom broj: 0203-18166 od 02.04.2018.godine je pristupila detaljnoj provjeri dostavljenih ponuda i konstatovala da:

Ponuda ponuđača Sarajevo-farm d.o.o. Sarajevo **nije formalno pravno ispravna** jer nije dostavljena u skladu da tačkom 3.2. tenderske dokumentacije kojom je definisan način dostavljanja ponuda i to:

„Ponuđač će dostaviti **jednu ponudu u originalu i dvije kopije** na kojima će čitko napisati: “ORIGINAL PONUDA” i “KOPIJA PONUDE”. Ponuda i njene kopije sa pečatom i potpisom trebaju biti zapečaćene i dostavljene kao jedinstvena ponuda i sa imenom i adresom, tel/fax-om ponuđača na kojoj će pisati sljedeće: “Ponuda za izbor najpovoljnijeg ponuđača za nabavku i isporuku digitalnog mamografa za potrebe Klinike za radiologiju“ – ne otvarati – otvara komisija”.

[Handwritten signature]

Komisija je konstatovala da je ponuđač Sarajevo-farm d.o.o. dostavio samo jednu kopiju ponude, a ne dvije kako je predviđeno tenderskom dokumentacijom. Na osnovu navedenog Komisija **nije uzela u dalje razmatranje** ponudu ponuđača **SARAJEVO-FARM d.o.o. Sarajevo.**

Ponuda ponuđača SHIMADZU d.o.o Sarajevo je formalno pravno ispravna, te je Komisija pristupila provjeri tehničke specifikacije po stavkama. Nakon uvida u katalošku (prospektnu) dokumentaciju dostavljenu uz ponudu nije moguće zaključiti da ponuđeni aparat ispunjava sve tražene zahtjeve. Ponuđač SHIMADZU je u svojoj ponudi dostavio kataloški (prospektni) materijal, ali samo za mamografski uređaj i radnu stanicu, a za mamografsku stolicu za izvođenje biopsije koja je sastavni dio ponuđenog sistema nije dostavljen kataloški materijal.

Iz dostavljene kataloške dokumentacije Komisija je konstatovala da za tražene karakteristike iz tački 9.3. "mogućnost postavljanja pacijentice u ležeći položaj" i 9.5. "uključen držač leđa prilikom ležećeg položaja biopsije" Aneksa 3 Tenderske dokumentacije, ponuđač se izjasnio da ponuđeni uređaj ispunjava iste, dok je proizvođač u Manufacturer's statments (str. 53 i 54. Ponude) izjavio suprotno, što nije u skladu sa zahtjevima iz Aneksa 3 tenderske dokumentacije.

Imajući u vidu naprijed navedeno Komisija je konstatovala da dostavljena ponuda ponuđača SHIMADZU d.o.o Sarajevo ne sadrži sve tražene elemente ponude, da nije dostavljena u skladu sa postavljenim zahtjevima iz tačkom 3.1. r) tenderske dokumentacije definisana je obaveza ponuđača da u ponudi dostavi "kataloški (prospektni) materijal sa tehničkim karakteristikama", a kako je tenderskom dokumentacijom definisano da ponuda mora sadržavati sve dokumente tražene tačkom 3. tenderske dokumentacije u originalu ili ovjerenoj kopiji, a da neprilaganje bilo kojeg dokaza i/ili izjave diskvalifikuje ponuđača, Komisija ponudu ponuđača SHIMADZU **ocjenila kao nepotpunu i nije je uzela u dalje razmatranje.**

Zbog gore navedenih razloga, Komisija je dala prijedlog, Izvještaj br. 0305-23730 od 04.05.2018. godine, da se za nabavku i isporuku digitalnog mamografa za potrebe Klinike za radiologiju, donese odluka o poništenju postupka nabavke u skladu sa tačkom 69./2./d) ZJN (Sl.Glasnik BiH 39/14), jer nijedna od primljenih ponuda nije prihvatljiva.

Prijedlog Komisije je prihvaćen i donijeta je odluka kao u dispozitivu.



GENERALNA DIREKTORICA

Prof.dr. Sebija Izetbegović

POUKA O PRAVNOM LIJEKU: Protiv ove Odluke može se izjaviti žalba, najkasnije u roku od 10 (deset) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri.

Dostaviti:
- Ponuđačima;
- Tehnički sektor
- a/a KCUS